

Republik Arab Bersatu tidak akan hadir dalam Sidang Kemuncak Negara-negara Arab yang akan berlangsung di Algeria dalam bulan September ini – Gamal Abdel Nasser.

\*

Hari Kebangsaan Republik Arab Bersatu sebagai hari kemenangan melenyapkan tenaga jahat dan penindasan – Tengku Abdul Rahman.

\*

Kami berdoakan kejayaan yang terus-menerus dan kemakmuran dalam usaha negara tuan untuk membawa perdamaian, keadilan sosial dan kemajuan masa depan – Tengku kepada Republik Arab Bersatu.

\*

Tentera Republik Arab Bersatu yang ditempatkan di sempadan Yaman-'Arabiyyah

Sa'udiyyah telah ditambah – Lieutenant Jeneral Talaat Panglima Tentera Republik Arab Bersatu di Yaman.

\*

Tentera-tentera Arab Bersatu-Yaman sekarang menguasai seluruh kawasan Yaman – Talaat.

\*

Umat Islam Singapura hendaklah berusaha memperjuangkan kebesaran Islam dan mengamalkan ajaran Nabi Muhammad (S.A.W) sesuai dengan kedudukan negara Singapura sebagai sebuah negara berbilang bangsa – Othman Wok.

\*

Jabatan Hal Ehwal Melayu PETIR telah mengambil bahagian dalam perayaan agama bukanlah dengan maksud-maksud politik tetapi semata-mata untuk menjalankan

tanggungjawab kami sebagai orang-orang yang beragama Islam – Othman Wok.

\*

“Tidakkah mereka tahu, bahawa Allah mengetahui rahsia hati mereka dan perkataan-perkataan rahsia mereka, dan bahawa Allah itu Amat Mengetahui perkara-perkara yang ghaib? – Maksud al-Qur’ān.

\*

Sesungguhnya orang-orang munafik itu menipu Allah; dan Allah balas menipu mereka; dan apabila berdiri kepada sembahyang, berdirilah mereka dengan malas; mereka unjuk-unjukkan (amal mereka kepada) manusia; dan mereka tidak ingat kepada Allah melainkan sedikit – Maksud al-Qur’ān.

\*

## Cabutan

\*

Menteri Khir dalam kenyataannya mengatakan setengah-setengah pemimpin-pemimpin di negeri Kelantan telah melancarkan kempen di kalangan ibu bapa supaya jangan menghantar anak-anak mereka ke sekolah biasa sebaliknya memasukkan anak-anak mereka ke sekolah-sekolah agama rakyat – Utusan Melayu.

\*

Sekiranya apa yang dinyatakan oleh En. Khir berlaku kita menganggap kempen tersebut sebagai kempen jahiliah – Utusan Melayu.

\*

Apakah orang-orang Kelantan boleh terus hidup dengan hikmat ketayap putih dan mukjizat tasbih guru-guru pondok sahaja? – Utusan Melayu.

\*

Kita amat kesal terhadap orang-orang yang berilmu pengetahuan seperti Menteri Besar PAS Dato' Mohd Asri, Hidhir Khatib dan Ustaz Abu Bakar Hamzah yang nampaknya membiarkan sahaja kempen jahiliah itu – Utusan Melayu kepada peristiwa yang belum muktamad dan menyatakan rencananya kesat.

\*

Kalau dakwah Islam muhaj maju hendaklah ia dijalankan oleh pemerintah dan pemerintah harus mengamalkan ajaran-ajaran yang diserunya – Ustaz Omar Othman.

\*

Suku Bawean Selangor hendaklah mendalam pengajian agama Islam untuk mencari panduan kemajuan – Nasihat P. Ramlee.

\*

Asas seruan Islam yang kami perjuangkan ialah untuk mempersatukan semangat, jiwa dan tenaga seluruh umat Islam – Al-Malik Faisal.

\*

Orang Yahudi adalah musuh Islam – Al-Malik Faisal.

\*

Seruan al-Malik Faisal untuk mengadakan sidang kemuncak dan bersatu padu sesama Islam sesuai dengan konsep Tengku Abdul Rahman yang muhaj mabutuk Komanwel Islam – Hussin Fathani.

\*

Islam menghormati segala agama dan menghargai perasaan kebangsaan – Hussin Fathani.